

SASTANAK U OPĆINI KLJUČ

11.09.2024 23:02



Sastanak predstavnika Federalne uprave za geodetske i imovinsko-pravne poslove i općine Ključ je održan u prostorijama općine 11.09.2024. godine. Na sastanku su učestvovali direktor Federalne uprave gosp. Željko Obradović, pomoćnik direktora gosp. Sead Hadžić, te načelnik općine gosp. Nedžad Zukanović sa saradnicima.

Na sastanku su analizirane aktivnosti koje se provode na implementaciji projekata zemljišne administracije na području općine Ključ (izlaganje na javni uvid podataka premjera i katastarskog klasiranja zemljišta, katastar komunalnih uređaja, adresni registar, digitalni arhiv i dr.).

Najveći izazov predstavlja završetak izlaganja na javni uvid podataka premjera i katastarskog klasiranja zemljišta za preostalih 12 katastarskih općina. U toku 2022. godine zajedničkim finansiranjem Federalne uprave za geodetske i imovinsko – pravne poslove i općine Ključ su izrađeni diobeni planovi te nastavljeno izlaganje na javni uvid podataka premjera za k.o. Ključ 1 i Ključ 2.

Predstavnici Federalne uprave za geodetske i imovinsko – pravne poslove i općine Ključ su usaglasili dalje aktivnosti na implementaciji projekata zemljišne administracije, prije svega izlaganja na javni uvid podataka premjera i katastarskog klasiranja zemljišta. Usaglašeno je da se u skorije vrijeme pokrene više aktivnosti na uspostavi katastra nekretnina (provođenje promjena zaprimljenih u važećem katastru, dopunski premjer i izlaganje na javni uvid), adresnom registru i drugim projektima koje Federalna uprava za geodetske i imovinsko – pravne poslove zajedno sa jedinicama lokalne samouprave implementira na području Federacije BiH.